

تَنْزِيهِ الْجَلِيَاتِ

عنوان الكتاب: ذنوب الخاطوات

التأليف: فاطمة سـاهـي

الإخراج الفني: عمرو سالم سـواـح

تصميم الغلاف: عبد الرحمن محمد هـاـهـر

رقم الإيداع: 2020/5022

الترقيم الدولي: 978-977-6792-35-7

الطبعة: الثانية- ٢٠٢٠

تَنْوِيبُ الْخَلُوفَاتِ

الْحَكَامَةِ

وَأَطْمِئِنَّ سِنَاؤِي

مقدمة الأناجيد

- بسم الله والصلاة والسلام على رسول الله ..
 إن الحمد لله نحمده ونستعين به ونستغفره ونشهد له
 ونعوذ بالله من شرور أنفسنا وسيئات أعمالنا ..
 اللهم إنا نعوذ بك من أن نفتعل شيء من أجل شهرة زائفة
 أو تفاعل أجوف ..
 فجعله اللهم حجة لنا لا علينا .. واجعلنا مما يستمعون
 القول فيتبعون احسنه .
 ففي هذا الكتاب نتكلم عن معاصي السر! ذنوب الخلوات!
 التي يقع بها كثير ..
- فالإيمان يزيد وينقص [يزيد بالطاعة] و[ينقص بالمعصية]
 - كلما قل الإيمان = قل العمل الصالح .
 - كلما قل العمل الصالح = كثرت الفتن .
 - كلما كثرت الفتن = زاد اختبار "صدق" العبد .

أول ما تبدأ المعصية

فأول ما تبدأ المعصية تبدأ بـ :

[خاطرة] ثم [فكرة] ثم [عزيمة] ف [إرادة] و في النهاية
يكون [العمل] !

يعني أنت موقعتش في الذنب كدا ع طول !!

لا دا أنت مریت بأول مرحلة (الخاطرة) !

ولما ادتها فرصة وفكرت فيها بقت (فكرة) !

ولما استرسلت أكثر ل "الذنب" ! بقي (عزيمة) !

ولما ادتها مساحة في قلبك أكثر وشغلت بالك بيها !

اتحولت ل (إرادة) ..

وهي لا فرار من الوقوع في العمل !! إلا من رحم .

يعني من البداية متديش فرصة لعقلك ولا قلبك يفكر ف

آي معصيه !

استعيز بالله وأعرف إن الخاطرة اللي ع بالك دلوقت دي

لو طردتهاش من تفكيرك دلوقت !



هتوصل وتعدّي لكل المراحل اللي ذكرناها .

أول ما يبدأ الإنسان الطاعة بالمشقة، وأول ما يبدأ المعصية بتأنيب الضمير ، فمن اعتاد الطاعة أداها بسعادة ، ومن إعتاد المعصية فعلها كما يفعل العادة !

﴿ وَكُلُّهُمْ عَلَيْهِ يَوْمَ الْقِيَامَةِ فَرْدًا ﴾ [مريم: ٩٥] ♥

يعني مجاهدة النفس ف ترك المعصية وتحل محلها طاعة ... ده هيبقى صعب على النفس !

بس بالاستعانة بالله هتلاقي نفسك معتاد على أداء الطاعة وأدتها بدون مشقة ...

لكن لو سبت نفسك للمعصية !!

ف الاول يبقي ف تأنيب ضمير ومش مستريح !!

بعدها بشوية بتكون النفس إعتادت ده ! و بقى أمر طبيعي وعادي !! وبعدها تلاقي النفس حبت المعصية واتعلقت بيها!! ودي من المراحل اللي مش عايزين نوصلها ... وحتى لو وصلتها لسه قدامك فرصة ترجع

ليه وصلت لـ هتبقى؟

ليه وصلت لـ كذا؟!!!

وصلت لـ ذنب ايه ؟ ذنب كبيرة ؟ مقدمات ذنا !! كلام
محرم !! فيديو ف الخلوات !! بحث عن معصية !!

حالتك ف كل الأحوال دي ... بتبقي متعبة ؟! صح

يعني برضو المعصية فيها تعب !

متفكرش إنك لما تترك الذنوب دي خلاص هتبقى عادي!!

لا هتتعب شوية لحد متوصل ...❤

بس دي متعة بلذة ❤ متعة بدون عواقب وذنوب ...

متعبة من غير معصية ... بالعكس متعة بطاعة ❤

طريقك لله ﷻ مش معبر بالورد !!

اكيد هتلاقي عواقب ! بس دليل إنك ع الطريق

وإن حياتك مش مجرد نوم وأكل وشغل وشهوة !! بس

لأنت حياتك ليها هدف ليها غاية لوجودك ع الأرض ...



حاشاه أن يخلقك هباء ..

اتعب ل الباقيه ... ولا تتعب للفاني !!

عَمَّر بيتك الأصلي ف الجنة ♥

ورا كل انتكاسة دينية هتلاقي سببين :

• ذنوب في السر ..

• وغياب الرفقة الصالحة في العلن ..

الانتكاسة من ذنوب الخلوات .. تردُّها الرفقة الصالحة ..

وتزيدها رفقة السوء !

واللي ابتلي بذنوب الخلوات = يُكثر من رفقة الخير.

فهم حصنٌ في الدنيا .. وشفاعةٌ في الآخرة.

الباب الأول

عايزين نبتدي الكتاب دا بنية التغير .. مهما كانت الخبيثة
اللي محدش يعرفها عنك !!

أنت ممكن تكون شخصية ليها مكانها وسط القلوب كثير
جدًا ويمكن تكون قدوة لناس كثير ...

بس احنا النهاردة مش هنتكم ف ده ! النهاردة عايزين
نشوف ايه المنبع الرئيسي اللي وصلك ووصلك ل الحالة دي !
الخلوات وما ادراك ما الخلوات !!

الوقت اللي بينكشف فيه حقيقة العبد! عندما يختلي
بنفسه

حقيقتك مهما كُنت مبين من أخلاق وتعامل ومظهر، كل
ده بيبان ف ساعة خلوة !
لحظة انفرادك ب نفسك ...

فاكرين موقف سيدنا يوسف عليه السلام مع الفتنة...

"امرأة العزيز" قفلت عليه كل الأبواب وقالت له ﴿ هَيِّتْ

لَكَ ﴾ [يوسف: ٢٣] !! أنا جهزت نفسي عشانك !

_أنتِ وأنتِ كده ...وقت مبتعصي بتقفل عليك كل
الأبواب اللي ممكن حد يكشفك فيها !!

باسورد للفون ، باسورد للاب ، باسورد للصور!!

باسورد لكل حاجة ف حياتك !!

بتقعد في غرفة مظلمه وتقفل الباب عليك !

طب ليه كل ده !! عمال تقفل تقفل على نفسك عشان

محدث يطلع عليك !!

وأنت مش واخذ بالك من المُطلع الذي لا يخفى عليه

شيء مهما قفلت أبواب .. ؟!

امرأة العزيز أغرت سيدنا يوسف بكل المتاع بكل

الزينة...تهيئة له وقفلت الأبواب السابعة !!

يعني الفتنة بتعرض نفسها عليك .. !

لكن ف اللحظة دي لكل واحد فينا اختيار ...؟!؟

هتعمل ايه ؟!

هتقع ولا تثبت ... ♥؟!

رد سيدنا يوسف رد يعلمنا كلنا معنى الثبات الحقيقي !

قال ﴿ مَعَاذَ اللَّهِ ﴾ [يوسف: ٢٣]

معاذا الله من كل نظرة حرام ...

معاذا الله من كل كلمة حرام ...

معاذا الله من كل فعل لا يرضي الله !!

إنه ربي ... ♥

ده ربي ... فكيف لي أن اعصيه !!

ازاي هقدر اعصيه ! ازاي مش هستحي منه ومن نظرتيه

ليا!!

وإن كان فيها مقولات ترجع إليها "ربي" في انها ترجع لرب

البيت وقتها وهو عزيز مصر ..

يعني سيدنا يوسف استحي من عزيز مصر اللي رياه ف

بيته واحتواه لحد ما كبر وبلغ أشده فما بالك بحيائه من

"الملك" سبحانه وتعالى !

الواجب العملي

﴿ مَعَاذَ اللَّهِ إِنَّهُ رَبِّي ﴾ [يوسف: ٢٣]

خلي شعارك في الحياه ردها كثير ف بالك خليها دائماً
حاضره في ذهنك والأفضل تجعلها أمام عينك ف اكثر مكان
بتكون متواجد فيه بشكل كبير .. وعلى الفون تكون ظهره لك
على طول .

مَاذَا يَفِيدُكَ ثَنَاءُ النَّاسِ عَلَيْكَ !! وَخَلَوَاتِكَ سَقِيمَةٌ وَمَذْمُومٌ
عِنْدَ اللَّهِ !؟

الباب الثاني

الصدقات المفتوحة !
 وتبتدي علاقتكم ف البداية مجرد صداقة !!
 ثم إعجاب !! ويبتدي الكلام الحلو يتقال ...
 مره على مره ويصبح بعد م كان ف حدود !!
 بعد ما كان القلب يخاف يقرب ! أصبح هو اللي بيطلب
 خلاص كل حاجة اتشالت كل الحواجز اتنست !
 تحت مسمي الإعجاب
 ويبتدي القلب يألف الكلام المحرم .. وتبتدي النفس
 تتلهف للكلام والحديث اللي بيطول لمنتصف الليل ...!!
 ومع كل ده ... لسه القلب ف نقطة بيضة بتقلب عليك
 ومش مريحاك !
 لسه مع كل ده عايز تتغير وترجع من تاني نضيف ..
 بس ف حاجة منعاك !

مش قادر تفارق المعصية برغم معرفتك إن دا مش حلال!
بتدارى وقت ما تكون بتعصي !!
خايف من أهل بيتك ليعرفوا !!

﴿ أَلَمْ يَعْلَم بِأَنَّ اللَّهَ يَرَى ۝١٤ ﴾ [العلق: ١٤]

ربنا يراك وأنت بتبحث عن أشياء لا ترضي الله ..
يراك ومطلع عليك وأنت بتكتب كل كلمة مش من حقك!!
بحبك !! وحشتيني !!
وما خفي كان أعظم ...
مش هقولك ربنا راضي عنك كده؟!
لكن هسألك ... أنت راضي عن نفسك كده؟!
طب بعد ما بتعصي بتحس بـايه؟؟
أصل طعم المعصية دا حاجة مؤقتة .. !!
اللذة هتروح ويبقى لك عقبتها !!

حتى لو دامت ساعة أو اتنين هتنتهي حتمًا وهيتبقى "شؤم
المعصية" وهنبينها باستفاضة لإنهاء مهمة جدًا .

ف ناس كثير جدًا حولك أقوى من شيطان الجن، دول
بقي شياطين الإنس ...

يجي واحد صاحبك يشجعك ع المعصية بمشاركته فيها،
ب تسهيل المعصية

ب تهوين الذنب لدرجة انك بتعصي وأنت مُستمتع !!

عشان كدا ربنا بيغفر لكل اللي أذنب إلا "المُجاهرين" !

المُجاهرين = بالمعصية

اللي يعصي النهاردة وربنا يستره ويكون حلیم بيه ويصبر
عليه لعله يتوب ! لعله يرجع فبعد ما يعصي يروح يحكي عن
معصيته !

أنت مش بس بتنزع ستر الله من عليك !

أنت كمان بتهون المعصية ف نظر الكل .. يعني بتشجعهم
عليها !

الواجب العملي

أنت بتعصي ليه ؟! حط نقط وأسباب الوصول المعصية
دي !

وياذن الله نحصرهم .

الباب الثالث

سبب من أسباب الوصول لمرحلة العصيان او ايه الدافع
اللي ممكن يخلي حد يقع ف ذنوب خلوات !! ويمكن بيوصل
ل مقدمات زنا !!

ف اللي قال حب تجربة !

وف اللي قال تقصير البيت !!

وف اللي قال حُب دُنْيا وتعلق ...

دا جزء من التعليقات اللي صدفتني ليكم ...

أحب اقولكم أن ولا أي سبب من دول دافع ل تكوين
شخصية بتعصي !!

السبب الأساسي والمقدم على أي سبب تاني هو إنه
جاهل بالله ..!!

استحاله هتعرف من هو الله وهتعصيه ...!

مش هتقدر ...هتقولي لا أنا عارف ربنا وعارف إن في جنة
وفي نار وفي عذاب ...

طب أقولك ع حاجة كمان أنا عارف أصلا إن علاقتي
بالبنت الفلانية... وعلاقتي بالشاب الفلاني دي علاقة مُحرمَة،
وكلامنا كله تجاوز وذنوب

أنا نفسيًا مش قادرة أكمل !!

وفي نفس الوقت في حاجة منعاني !!

كل ده حله حاجة واحدة بس

حاجة هتقلبك كل الموازين ...

حاجة هتطلعك من الظلمات دي إلى النور... ظُلمات !!

ايوة ظُلمات قلبك اللي بكل كلمة كانت بتنسيك وبتختم ع

قلبك وبتخليك تتعلق بـ حاجات فانية !!

متعتهأ ساعة اتنين ... يوم / شهر / سنه ...

بس ف الاخر هتخلص وهتروح وهيتبقالك الحسرة والندم

والأكبر إن المعاصي دي بتكون سبب كبير ف تقفيل فتح كبير

من الله عز وجل ليك...!!

يعني يكون ربنا بيدبر لك أمر خير ليك ... ومره واحدة

تلاقي الخير ده وهو نازلك من السماء اتمنع !، أو متوفقتش

له!!

يحصل حاجة وتلاقي الخير ده مبقاش ليك !!



عارف ده اسمه ايه ؟!

ده شؤم المعصية ...

المعصية بتترك شؤم العاصي بيلاحقه ف كل مكان !!

إحساس فظيع انك تلاقي الدنيا مقفله ف وشك !!

بس الأوحش لما تلاقي باب الطاعة كمان بيتقفلك ..!!

بتحس ساعتها أن المعصية اللي تهاونت فيها دي مكنتش

مجرد كلام حلو ولا إحساس خيالي !!

لا ، دي كانت أكبر ابتلاء لك وأنت سقط فيه !!

طب اعمل ايه !!!؟

أنا نفسي اطلع برا الظلمات دي ... قلبي خلاص مش عايز

يكمل كدا !!

مش هي دي الحياة اللي عايز اعشها ...

أنا عايز الراحة ... ♥ القيهها فين ؟!!

أنا هقولك تلاقيها فين ؟!

ومش بكلامي بـ كلام الله ﷻ اللي سخرني أعمل السلسلة

دي لعل منكم من يكون هذا الشهر هو شهر تغيره!! ♥

لعل هذا اليوم هو يوم ميلاده لحياة جديدة

لعل هذه الساعة هي ساعة التغيير
الوقت دا الفاصل ف حياتك عشان تنفض ثوبك من كل
الأتربة والتعب والحزم اللي بقي مالي حياتك وغير ملامحك !

الواجب العملي :

ايه الحل؟! من وجهة نظرك!!?
فكر في الحل اللي أنت شايفه مناسب لحياتك يكون رد
على الاسئلة اللي كانت ف الواجب اللي فات .

الباب الرابع

ايه المخرج من دُنيا الظلام دي !؟

ناس قالت ... مُراقبة الله ﷻ ♥

وناس قالت البعد عن الذنوب!

وناس قالت اشغل نفسي، وعدم قرب من ربناالخ !

أولاً : زيادة الإيمان :

الايمان لو زاد ف قلبك هتلاقي نفسك بتترك معاصي كثير
مممكن تكون مش عارف انها معصية اصلا ! بس بزيادة الايمان
القلب مرتحلهاش فتركها ... ♥

كمان هينتج عن زيادة الإيمان الورع ♥ وهو انك تترك
المباح مخافة أن تقع في الحرام ..

يعني ايه !؟

يعني الحرام اللي أنت وقعت فيه ده انت موصلتهوش كده
ع طول !!

لا ده كان في خطواط وطرق وتفكير وحاجات كثير جدا
قبلها هي اللي وصلتك للوضع ده ...

يعني زي بالضبط اللي لسه بيتعرف ببنت في الأول
حضرتك وبعد اذنك واسف ع الازعاج ! و ممكن مش عارف
ايه ..

بعدها بشوية نشيل الألقاب بقي و نبتدي نشوف اسم
تاني...!!

بعدها بشوية ندخل ف موضوع ونتحاور ! ونضحك
ونهزر... مرة على مرة القلب بيألف الكلام و الشخص !!
بعد معرفتك بيه بكام شهر !!

اصبح الشخص ده بقي واحد من العيلة وصورتك وصورتى
لحد م بيوصل ل تنازلات كثير

"استوووب"

ف كل مرحلة من المراحل دي كان فيه تنازل مش هتחס
بيه غير لما توصل لمرحلة صعبه جدا !
في تغير شامل مبين معرفتك بيه أول مرة و وصلت لفين
دلوقت !!

أعرف إن التنازل يببتي بخطوة ... ولو اتنازلت مرة
هتتنازل بعد كده كتير!

العلاج الاول

زيادة الإيمان...هنعمل ايه؟!؟

الرسول ﷺ قال :

"الإيمان يزيد وينقص، يزيد بالطاعة وينقص بالمعصية"

طب هزود إيماني ب طاعة...هنعمل ايه برضو!!؟

الطاعات كتير ...

طاعة الله ﷻ في :

• الصلاة ع وقتها .

• القرآن .

• النوافل والسنن .

• العمل التطوعي "غير المختلط".

• ورد الاستغفار وورد التسبيح والحوقلة .

• زيارة مريض .

• نصيحة بنية الدعوة .

كل عمل خير يجي قدامك شارك فيه وأهم نقطه فيهم هي
"القرآن" ربنا سبحانه وتعالى ذكر لنا في القرآن :

﴿ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا ﴾ [الأنفال: ٢]

حاجات كثير جدا تقدر تزود بيها إيمانك ..

كل باب طاعة يتفتحلك سد فيه ..حتي لو هتشارك فيه
بحاجة قليلة جدا من وجهة نظرك !

شعارنا :

إِضْرِبْ بِسِهَامِ الطَّاعَاتِ لَا تُدْرِي أَيُّهُمَا يُصِيبُ وَيُدْخِلُكَ
الجنة .. !

الواجب العملي

المشارك في عمل "الزيادة الإيمان"

"خد قرار حازم بغلق أول باب يوصلك للمعصية" .

الباب الخامس

(اترك وانطلق ...)

اترك أي حاجة ممكن تكون سبب في هلاكك !
 اقتحم أي عقبة هتمنع وصولك بين الملك سبحانه
 وتعالى ..

أترك وانطلق ..

انطلق بنفس الهمة دي والشغف دا بس في طاعه سافر
 واجري واتعب بنفس الهمة العاليه دي بس في الطاعة !
 تركك لأي ذنب مش حاجة سهلة ..!
 وكمان لو الذنب ده له متعه !

يعني أول متاخذ قرار إنك هترك الذنب ده !

تلاقي كل اللي حوليك بييسرلك إنك ترجعله تاني !!

تلاقي الوقت بقي مناسب أكثر ! كل السبل اللي هتوصل
 الذنب بقت مفتوحالك مفيش أي عقبات ...!!

عارف ليه؟!؟

عشان ده وقت اختبار صدق مع الله ﷻ

ليرى منك صدق توبته ! صدق ف قرارك بعد الرجوع !!

• ياترى لما الذنب يتفتحلك تاني هتقع فيه؟!؟

ولا مهما حصل مش هترجع للذنب ده تاني؟!؟

يا ترى المرة دي هتكون فعلا آخر مرة هتخلف فيها
وعدك مع الله !

هنا لازم يكون شحن قلبك مضبوط ع درجة اليقين ف
نظر الله عزوجل ليك ... وأنه يريد منك ف اللحظة دي أنه
يرى منك صدق توبة ♥

• طب لما الاقي الذنب بيتفتح تاني أعمل ايه؟!؟

اشغل نفسك ...أيوة اشغل نفسك بعمل تاني، جرب
تعمل عمل جديد تقرب بيه لربنا ♥

زي ما بتتعب وأنت بتعصي .. أتعب عشان تفوق

جرب تعمل لك ورد يومي لقاء يومي بالقرآن ولو بأقل
القليل ..



جرب تعمل ورد إستغفار جرب تقرأ كتاب جديد

في كتب ممتعته جدا ♥

المتعة مش بس ف المعصية ...

ف متعة ف طاعة ...متعة ف رضاه ♥

يعني استبدل وقتك بوقت مثمر وفعال ..

(شعارنا النهاردة مُختلف):

الرسول ﷺ علم بأن ف "المجلس" اللي قاعدين فيه دلوقت فيه مشرك مندس بينهم فأخبر النبي ﷺ الصحابة، فالمشرك ده أول ما عرف إن الرسول نزله وحي به... قام فر بنفسه من المجلس ده وركب الفرس بتاعه وجري...!!

راح الرسول قال للصحابة "من يأتني به وله الجنة"؟! ♥

الجنة بتعرض .. !! عرض حقيقي صحيح مفيهوش شك !

فقام ٣ من الصحابة ..

• واحد ع فرس "نفس سرعه" المشرك .

• وواحد ع بغله "اقل سرعه" شوية .

• وواحد ع "رجله" ... !

طبعاً المشرك ده بيجري وبيفر من "الموت" !!
 يعني بيفر بأقصى سرعة عنده ..
 ف أول صحابي يأس ورجع !
 قال لا دا سريع جدا ومش هلهقه !
 تاني صحابي قال دا الصحابي اللي قبلي اقصى سرعه مني
 هكمل أنا !! وراح رجع .

تبقي الصحابي ال ٣ وهو سيدنا "سلمه بن الاكوع" سيدنا
 سلمه فضل يجري ورا المشرك ده ع رجله !
 ويقع ويذكر نفسه ويقول: "إنها الجنة يا سلمه" ♥
 ف يستعيد قوته من تاني ويقوم يكمل جري ..
 لحد م المشرك ده بص ملقاش حد وراه فربط الفرس
 وقعد يستريح شوية ..
 فسيدنا "سلمه" أول م لمحاه انقض عليه وحضنه من
 ظهره وقاله ... "تعالى يا جنتي" ♥
 عمرك وأنت بتاخذ مصحفك قولتله تعالى يا جنتي ؟!

طب عمرك م كنت مزعل والدتك وأنت بتصالحها
وقولتلها تعالي يا جنتي؟!
عمرك وأنت بترك ذنب وبتقدم طاعه عليه قوت لعل
تركي الذنب ده هو اللي يخليني أفوز بالجنة؟!
ذكر نفسك دايمًا "إنها الجنة يا فلان..." ♥

الواجب العملي :

اترك وانطلق .

حدد هدفك في الوصول للجنة عشان تقدر تتحمل
الصعاب عشان في الآخر تفوز بهدفك ..

البَابُ الْهَادِسُ

ثالث خطوة فعالة ف تصحيح المسار والبُعد عن ذنوب
الخلوات ومعاصي السر ...

عارف اصل الكآبة اللي أنت فيها دي ايه ؟؟

عارف سبب إن الدنيا مقفله ف وشك كده من ايه ؟!!

عارف سبب تاخيرك دايمًا ف ناس سبقاك!!

عارف عدم التوفيق والسداد اللي أنت فيه ده

عارف تأخير الأمنية اللي نفسك تتحقق دي من ايه !!

عارف الدنيا مقفلة ف وشك ليه !!!

اسمع قول بن القيم ↓

" ذنوب الخلوات اصل اسباب الانتكاسات وطاعة
الخلوات اصل اسباب الثبات "

يعني ايه ؟!

يعني كل ذنب بتعمله بيحجب بينك وبين الخير اللي كان

جيلك !!
 يعني الزواج اللي متمش ده كان أصله عدم توفيق بسبب
 المعصية اللي مازلت مصمم عليها !
 يعني دراستك ونجاحك معتمد ع نقائك كليًا داخليا
 وخارجيًا ...
 يعني إنسان مستقيم ف حياة ... يعني مبيقعش ف أي
 فتنة !!
 تخيل لو الذنب الو احد لو عملته بيتنكت في القلب نكته
 سوداء !!
 طب ذنب على ذنب على ذنب .. القلب زمانه عامل ازاي
 دلوقت ؟!

﴿رَانَ عَلَى قُلُوبِهِمْ﴾ [المطففين: ١٤]

القلب بقي عليه ران ... من كتر الذنوب بقي يعمل الذنب
 وهو مش حاسس أنه بيعصي ! ، وكمان بقي يفكر في مخرج
 وحجة ع فعله ده !!
 القلب اللي اتغلف بالذنوب ده محتاج هزه عنيفة تفوقه
 لتساقط الذنوب منه عشان يرجع يتأثر بالقرآن من تاني،
 عشان يرجع قلبه يوجهه لما يقع في معصيه

لكل ذنب كـ "شؤم معصية"!

يعني متفكرش أن الذنب الفلانه اللي عملته ده اعدى
وخلص !! "والعبد ينسي وربى ليس ينساه"

الذنوب دي كلها بتعمل حاجة اسمها "شؤم معصية"

شؤم المعصية ده بتلاقيه بياحقك ف كل مكان ...

ف الشغل ، ف البيت ، ف الدراسة ، ف الصُحبة ، ف
الشارع !!

تلاقي شؤم المعصية ده بيقفلك كل حاجة خير ليك

متخيل !!

الامر صعب جدا ...

ومع ذلك ربنا "حليم" على العبد بتعصي ومازال ينتظر
منك التوبة !

تحصي وعندما تتوب = يفرح الرب لتوبة عبده

لوجيت بتراب الأرض كل خطايا !

ثم جئتني لا تُشرك بي شيء !

غفرتُ لك على ما كان منك ولا أبالي ..

ربنا "كريم" وأعطاه ملوش حدود



خزائنه مملوءة يُعطي ويُعطي ويُعطي ..!

بس قوله "اقبلني يارب" !

أنا راجع ليك يارب .. أنا توبت يارب اغفرلي

أنت اللي محتاج تتغير ..

متأجلش توبتك وتقول آخرة مرة وبعدها هتوب !

متضمنش !

متضمنش يكون في فرصة تاني ولا لا !!

ربنا يرسل لك رسائل كثير اوي عشان ترجع وتتوب !

وأنت اللي بتعرض !

أنت اللي بتتولى .. افتح مصحفك واقرأ وابكي وهو

هيقبلك .. صلي واقعد على مصليتك وتتكلم معاه قوله يارب

أنا رجعتلك ..

اقبلني يارب .. اقبل توبتي يارب

✓ محتاج اتغير

✓ محتاج اتوب

✓ محتاج استغفر

✓ محتاج ربي يقبل

﴿ إِنَّ الْحَسَنَاتِ يُذْهِبْنَ السَّيِّئَاتِ ﴾ [هود: ١١٤]

محتاج تكثر من ميزان الحسنات = لمحو تلك الذنوب
التي غُلف القلب بها

الواجب العملي :

ورد إستغفار وطاعات ♥

_ورد الاستغفار...تمسك المسبحة بتاعتك كده وتبتدي
تستغفر و يا سلام بقي لو وأنت بتستغفر كده استحضرت
الذنوب والمواقف اللي وقعت فيها واستغفرت منها من
قلبك ♥

_الطاعات... كل يوم اعمل طاعة جديدة ♥

"بروالدين ، صدقة ، إدخال سرور ، صلة رحم ..."

الباب السابع

مُجاهدة النفس ...

ولإن اصعب جهاد هو جهاد النفس ... يبقى لازم تركز
معاه أوي، وتشحن قلبك عشان ميفصلش منك ف منتصف
طريقك للتغير ...

جهاد النفس ده أمر مهم جدا ولو عدت المرحلة دي
هتكون منطلق ف طريق الله ♥ الطريق اللي مفهوش ضلال
أبدًا ...

يعني ايه جهاد النفس !!

يعني تمنع أي حاجة "نفسك" تقولك انا عايزاها ..

أنا نفسي ف ده .. أنا هموت لو مقولتش كذا !!

هموت وأعمل كذا !!

النفس بطبعها مايلة للعصيان

وف نفس الوقت فيها تقوى وطاعة .. بس لو زكتها

ربنا سبحانه وتعالى بيقول "وهديناه النجدين" يعني ربنا

بينك الطريقين طريق الخير وطريق الشر... طريق الطاعة
وطريق المعصية ...

"فلا اقتحم العقبة" ؟!

ايه العقبة اللي بينك وبين ربنا ؟!

ايه العقبة اللي منعك تتغير ؟؟ ايه العقبة اللي مخلياك
لسه بعيد ؟!

عقبتك شيطانك ؟! نفسك ؟! هواك ؟!

عقبتك دنيا ؟! شهوة ؟! زينة ؟!

ربنا سبحانه وتعالى بيقولك اقتحم العقبة دي .. اقتحم
أي عقبة تمنعك من الوصول إلى الله ♥

زي مقولنا المرة اللي فاتت إن ذنوب الخلوات دي بيكون
ليها "شؤم معصية" يعني شؤم ف حياتي بسبب الذنوب
جاهد نفسك عشان توصل ...

جاهد هواك ورغباتك عشان تتخلص من شؤم المعصية
اللي بيلاحقك !!

وخليك دائما فاكر

[إن النفس إن لم تأمرها بطاعة ! امرتك بمعصية]

أعرف إن مش كل حاجة النفس تشتهيها تعملها !!



اوكلما اشتهينا اشترينا؟!!

يعني كل م نفسك هتشتهي حاجة هتعملها؟!!

مش أي حاجة هتتبعها ... لعل السلسلة دي معمولة

مخصوص عشانك أنت ♥

ربنا اختارك وجمعنا عشان يُريد إن الفترة دي متعديش إلا
وأنت قربت منه واتغيرت وفعليًا أنت طالب جنة مش مجرد
كلام! أو دعاء مأثور ...

مفيش حد نفسه ف نار ... أكيد كلنا نفسنا ف الجنة ♥

فماذا اعددت لها؟!!

خليك فاكر قصة الصحابي اللي قولناها قبل كده ، قصة
سلمة بن الاكوع ... كان دايمًا يذكر نفسه [إنها الجنة يا
سلمة] ♥ الكلمة دي كان بيستعيد بيها قوته من تاني

خليها شعارك ديما لما تيجي تقع في أي ذنب ... "إنها
الجنة ي...."

• خلي شعارك النهاردة :

"اوكلما اشتهينا ... اشترينا"؟!!

الواجب العملي

مراقبة النفس ... متتبعهاش
جرب تعصي رغباتك دي ... عيش حياة طاعة لله
وبس ♥
عصيت ربنا كثير ... جرب كدا تعصي نفسك وشهواتك !!
نصيحة أخيرة



مقولة الشيخ فوزي السعيد رحمه الله

قال الشيخ فوزي السعيد رحمه الله :

الكيس الفطن ينشغل بعفو الله وستره عليه فيتوب،
 فيذهل عن فعل الخطيئة ويبقى مع الله سبحانه وتعالى،
 وهذا أنفع له من الانشغال بما عصى. كما قال ابن القيم
 رحمه الله.

فإن الإنشغال بالله والغفلة عمّن سواه، هو المطلوب
 الأعلى وهو فعل الواجبات،
 فمن عمل الواجبات انتهى عن السيئات والمعاصي،
 فالسيئات سببها التقصير في الطاعات،
 فلو أطعت نلت برّ ربك فمنعك السيئات،
 فالأولى من الإنشغال بالمعصية، والندم عليها، الإنشغال
 ببر الله الذي سترني، لم يعرف أحدا ما فعلت، وكان من
 الممكن فضحي، فيزيد في الطاعات.

ولا يوجب هذا نسيان الخطيئة مطلقا بل لابد من الإستغفار منها فهو الذي يبدل سيئاتك حسنات.

وخليك فاكر المعادلة كويس ..

- ﴿وَمَنْ يَتَّقِ اللَّهَ﴾ [الطلاق: ٢] (هذا شرط).

- ﴿يَجْعَلُ اللَّهُ مَخْرَجًا﴾ [الطلاق: ٢] (هذا وعد).

- ﴿وَيَرْزُقْهُ مِنْ حَيْثُ لَا يَحْتَسِبُ﴾ [الطلاق: ٣] (هذه مكافأة).

[فحقق الشرط ... لتستحق الوعد ... وتنال المكافأة

﴿ إِنَّمَا تُنذِرُ مَنِ اتَّبَعَ الذِّكْرَ وَخَوِيَ الرَّحْمَنَ الْغَيْبَ فَبَشِّرْهُ

بِمَغْفِرَةٍ وَأَجْرٍ كَرِيمٍ ﴾ [يس: ١١]

نفسك تتغير بل؟

نفسك تتغير؟

نفسك تنال مغفرة من الله -عز وجل- ل كل الذنوب اللي عملتها!!

نفسك يتمحي ليك كل الذنوب من صحيفتك ! ولا كأنك عملتها؟

نفسك تكون من الناس دي.. اللي ربنا ببشرهم ب مغفرة ومحو الذنوب والثواب العظيم ودخول الجنان!

عشان تحقق الآية دي فيك لازم تحقق شرطين :

(١) اتباع الذكر اللي نزلك من فوق سابع سما.. بكل الطرق الشاقة اللي مرت بيها عشان توصلك

(٢) الخشية من الرحمن بالغيب..

أنك تعبد ربنا وأنت موقن ب وجوده ده أعلى درجات اليقين

عشان كده ربنا لما ذكر صفات المتقين في بداية سورة البقرة، قال : ﴿ الَّذِينَ يُؤْمِنُونَ بِالْغَيْبِ ﴾ [البقرة: ٣]

أنك تخشاه في السر والعلن دي مش أي حد ممكن يوصلها.. إلا المتقين ♥

عشان كده بعد م ربنا ذكر صفاتهم وشوقنا ليهم.. ذكر لنا جزاء الله ليهم كان إيه..

﴿ أُولَئِكَ عَلَىٰ هُدًى مِّن رَّبِّهِمْ وَأُولَئِكَ هُمُ الْمُفْلِحُونَ ﴾

[البقرة: ٥]

• على هدى من ربهم..

يعني أنت طريقك اللي أنت ماشي فيه ده مش ماشي فيه لوحدهك ! ده انت ماشي على هدى من ربك ♥

يعني مفيش ضياع ! مفيش أي غلط، أنت ماشي على هدى من ربك

• وأولئك هم المفلحون..

فلاح في كل أمر في كل شغل، عمل، دراسة، زواج..

أنت في أي حاجة مُصَّاب بـ الفلاح

كل حاجة في حياتك متيسره، كل حاجة ليك مُدبرة من رب
الفلاح .

مشكلتك ان الرجاء عندك عالي اوي ...
وانك مهما وصلت من الذنوب فدا مش حاجة !!
وان غيرك وصل ل اكر من كدا !!
مشكلة معظمنا انه بيحاسب نفسه بمقياس غيره!!
يعني يبقى عامل مصيبة .. !!
وايه يعني ؟ م فلان عمل كذا وكذا وكذا ولسه عايش زي
الفل اهو لا ومحبوب كمان ومتقدم واحسن مني قدمهم !!
طب وانت مالك بيه ؟!
هو أنت هتتحاسب معاه أو هو هيتحاسب مكانك !!
هو احنا بقينا نتسارع ع الذنوب وكنها بتعملنا هيبة كدا
وشرف !!
يا مسكين أنت شيطانك مصورك إن كل اللي ف حياتك
دا ((عادي)) !!
نفسى اعرف الكلمة دي معناها ايه ...!!

العادي دا يعني شرعته ازاي؟! جبتها منين
رد فعل تلقائي لأول م تتسال عن حاجة انت يقينًا عارفة
انها حرام ... أو ع الاقل لما استفتيت قلبك (مرتحتش)
ف عشان تخرج برا دايرة الحرمانية والحلال بقيت تقول
(عادي) !!

يا نفس ويحك تويي ... واعملي صالحا
عسى تجزين بعد الموت بالنعيم .

كُلِّ عامٍ فِتْنَةٌ!!

كل عام فتنة!!

انت شايف الذنب اللي انت كل م تقوم منه تقع فيه تاني

ده ... !!

_ كل سنه لازم تعدي عليك بـ معصيه وابتلاء جديد !!

_ طب شايف المعصية الفلانيه اللي انت كل م تتوب منها

تلاقيها اتيسرتلك أسبابها ووجودها والجو المناسب لها!!

_ طب عارف الإبتلاء اللي كل متطلع من واحد يجيلك

التاني !!

كل ده ليه؟! كل ده ازاي?!

﴿أَوَلَا يَرَوْنَ أَنَّهُمْ يُفْتَنُونَ فِي كُلِّ عَامٍ مَّرَّةً أَوْ مَرَّتَيْنِ ثُمَّ

لَا يَتُوبُونَ وَلَا هُمْ يَذَكَّرُونَ ﴿١٣٦﴾ وَإِذَا مَا أُنزِلَتْ سُورَةٌ نَّظَرَ

بَعْضُهُمْ إِلَى بَعْضٍ هَلْ يَرَيْنَاكُمْ مِنْ أَحَدٍ ثُمَّ انصَرَفُوا صَرَفَ اللَّهِ

فُلُوبَهُمْ بِأَنَّهُمْ قَوْمٌ لَا يَفْقَهُونَ ﴿١٣٧﴾﴾ [التوبة: ١٢٦-١٢٧]

عارف لما تبقي رايح شغل جديد وصاحب الشغل يقولك
انا عيني هتبقي عليك ف كل حاجه بتعملها ... ويروح حطتلك
فلوس ف اي مكان عشان يشوف هترجعها وهتبقي أمين عليه
وع المكان ولا هتاخذها !؟

♥ والله المثل الأعلى

ربنا بيقولك هنا انك هتُفتن... وابواب المعصيه
هتفتحك ع مصرعيها ، عارف كل ده ليه ؟!

♥ عشان يشوف قوة ثباتك و عبادتك بالغيب ...

ولما تلاقي المعصيه بتخبط ع بابك متقولش دي جت
لحد عندي انا مطلبتهاش ... افكر ساعتها ان ربنا هيسرلك
المعصيه عشان يري صدق منك ...

وافتكرا انه برضو قال

﴿ وَجَعَلْنَا بَعْضَكُمْ لِبَعْضٍ فِتْنَةً أَتَصْبِرُونَ ﴾ [الفرقان: ٢٠]

ربنا بيقولك اتصبرون ؟! ها بقي هتقوله ايه ؟!

_ أوعى تقول أنا كل شويه اختبر في حاجه ... أنا قلبي
تعب!

ربنا برضو مترككش في الأرض ... ده نزلك أكبر معجزة
خالده بين ايديك (القرآن)

عشان يوم م تضل ترجعله وتعرف ان مفيش غني ابدأ عن
كتاب الله والقرب من سبحانه

تحس ان اول الفكرة م تيجي ف دماغك ، تلاقي رد الله
عزوجل ف القرآن عليها ♥ سبحانه عليم

ولما ذكر الفتنة ... ذكر ليك الناس اللي اول م الفتنة
اتفتحت ليهم خاضوا في محارم الله وانتهكوها

وكان بعد م اذنبوا متبوش ولا استغفروا ... يعني يارب لو
كانوا تابوا كنت هتتوب عليهم؟ ♥ اكيد

﴿ وَمَنْ يَعْفِرِ الذُّنُوبَ إِلَّا اللَّهُ ﴾ [آل عمران: ١٣٥]

_ واول م يشوفوا سورة بتوصف حالهم ... يقول ايه ؟ هو
حد شافني وانا ع المعصيه دي ؟!

كان هو ده المهم ب النسبه ليهم ... ، كان بعد م يسمعوا
كلام الله والرسايل الربانيه اللي بتجلهم ف كل مكان انصرفوا
ف صرف الله قلوبهم ...

_ هتروحوا فين ؟!

فبمن يجور ويستجير المجرم ؟!

ملناش غيره ... فر منه إليه ♥

رمضان والنغير

رمضان !

هتعمل ايه لو عرفت ان ده آخر رمضان ليك !!..

ده اخر رمضان؟! يعني مش هيحي عليا رمضان تاني!؟
 مين يضمنلك إن تعيش اصلا وتخلص رمضان كله السنه
 دي معنا ! ليه مطمنين أوي كده وكإن الدنيا باقيه وإن من
 حقنا اننا نُخالد وإن ده مش وقتي ...

مظنش لو عرفت إن ده اخر رمضان ليك ه تتفرج ع
 مسلسل ! ولا برنامج ساخر، ولا حاجات ملهاش لازمه ف
 حياتك غير إنها ذنب وارتكب في حق الله عزوجل !

إستعد ل الرحيل ف اي وقت ..!

إنك تموت ف رمضان ده شي جمبييل ..

بس ع اي شي تُقبض !!

من عاش ع شيء مات عليه ..

ومن مات ع شيء بُعث عليه ..

عايز تموت ع ايه ؟ أنت اللي بتختار دلوقت .



هل لي من توبة؟ د. حازم شومان

إقبلني يارب

هل لي من توبة؟؟ د/ حازم شومان

تخيل نفسك عندك إمتحان مهم جدا الساعة ١٠ و
الساعة دلوقت ١٠ إلا ربع وانت نايم!

نايم إزاي ده إمتحان مهم جدا بالنسبالي ، ممكن يروح
مني شهادة مهمه فيه!!

وابتدي الوقت يجري وواحد جاي ينادي عليك براحه
عشان تصحى !!

لا ده لازم يهزك هذا عنيفه عشان تصحى ..

يلا صحي النوم

يدوب تحلق تلبس، لا يدوب تلحق بس، يا تلحق يا
متلحقش !!

هو ده اللي أنا عايز اقوله ..

أنا جاية اقولك صحي النوم

لازم كل واحد فينا يصحى، قلبه يستيقظ ..

عارفين منظر رائد الفضاء لما يطلع سفينه الفضاء ل ابعاد
و يحب يخرج بره السفينه ، بيربطوه ب حبل ممدود و متصل ب
السفينه ، الرجال ده لو الحبل اتقطع !! خلاص ضاع ، ده
مفيش اي مصطلح ضياع يعبر عن اللي حصله !!

كذلك أنت ،، اوعى تقطع الصله اللي بينك وبين ربنا ،،
اوعى تقطع الحبل اللي بينك وبين الملك .. تضيع !!

كل حاجه تضيع ، كل حاجه تنتكس ...

معنا النهاردة قصه والله الواحد يعني بيبيكي وهو بيسمعها ،
عيشوا معنا كده المعاني الرهيبه اللي ف القصة دي ...

معنا الليلة ، قصة واحد عصي ، عصي يعني ايه أطلق
بصره ؟ سمع أغاني !!

لا، قتل !!

ومش نفس ! قتل ٩٩ نفس !! قتل ١٠٠ نفس

بس لما قال رجعلك يارب ..

لما قال إقبلني يارب !! لما جه على بابك يارب ..

لقي بابه مفتوح ، لقي اوسع أبواب الرحمة ...

المشهد الاول من القصة :

واحد عصي وعمل كل حاله واقف بيقول هل لي من توبة .. هل لي من توبة؟!

أنا يارب عملت كل حاجه، أنا يارب مسبتش مكان معصتكش فيه، ينفع ارجع نضيف تاني يارب ..

يارب أنت اكثر واحد اعرضت عنه وبعدت ..

بس أنت يارب اكثر حد محتجاه اكثر حد بحبه ..

يا ناس حد يدلني ،، هل لي من توبة؟!

حد يوصلني لحد يقولي ...حد يوصلني لربنا

يارب أنا عايش ف ضنك يارب ..

يارب انجدني ،، يارب أنا بموت كل يوم ١٠٠ مرة مع كل ذنب بعمله ...

دلّه ع راهب، راح ل الراهب وهو عنده أمل ..

خلاص ربنا هيفتحلي الباب ..

خلاص لقيت سكه وطريق لربنا ♥

راح ل الراهب ، قاله أنا كنت نضيف، وكويس بس قتلت

٩٩ نفس قتلت ده عشان واحدة !

وقتلته ده عشان فلوس.. وقتلته ده عشان غشني .. الخ

هل لي من توبة ♥؟؟

أنا ينفع ارجع نضيف من تاني؟! ينفع كل اللي اتكتب عليا ده يتمسح تاني؟!

هل لي من توبة؟!

ينفع الماضي ده يتمسح وابتدي من تاني ...

الراهب قاله مينفعش ، مينفعش !!

مينفعش إزاي !! هو ايه اللي مينفعش يسعني نار نار !!

يعني انا هدخل النار ومش هشوف الجنة ولا هدخلها !!

يعني هقعد اتعذب ف قبري !! ده أنت لو قولتي مصيبه قولتي كارته، لو قولتي هيجيلي مرض ملوش علاج أو سرطان، لو قولتلي عيالي كلها هتموت، هيبقى اهون عليا، هيبقى أهون عليا إني مليش توبة !!

هيبقى اهون عليا من اني ميبقاش لي حاجه من رحمة ربنا..

يعني خلاص مليش نصيب ف الجنة ! مفيش أمل إن ربنا يغفرلي ... !! ، أنت مش لازم تعيش ، أنت لازم تموت وراح قتله ، قتل الراهب وبقوا ١٠٠ نفس ..



ومشي مخنوق وفي نفس الهم اللي رحله بيه !!
 جاله الشيطان وقاله يا عم عيشها بالطول والعرض ..
 يا عم أيئس .. ياعم أنت مفيش فيك فايده، مهما حاولت
 يا عم ده أنت باشا ده الناس بتخاف منك، رايح فين
 برجلك... راح يفين وسايب المتع والملذات
 رجع من تاني يا ناس دلوني علي ربنا ، يا رب دلني عليك
 يارب، وصلني بيك يارب ، يا ناس محدش فيكم يعرف حد
 يدلني علي ربنا ... !!
 دلوه المرة دي على عالم ...
 وهو راح للعالم يارب إقبلني يارب ..
 يارب أنا عايزك يارب وهو رايح ف الطريق إحساس رهيب!
 إحساس مريض عنده السرطان ولف علي الدكاتره كلها
 كلهم قالو مفيش فايده ! أنت ميت ميت ... وراح لأخر دكتور
 لو ده قالوا ميت يبقى خلاص كل حاجه انتهت ، وهو رايح ف
 الطريق لسانه مشلول مش قادر ينطق، إيديه مشلوله، رجله
 مش قادرة تشيله، مرعوب !
 أعمل ايه اروح فين !!
 طب لو العالم ده قالي لا !

هروح فين؟! ولو قالي اه ، أنا حاسس أنه هيقولي اه ..
أنا حاسس إن في أمل والله العظيم، أنا كنت بعصيه
وبعمل كبائر كثير ..

بس كان مع كل مرة يبعثلي رسالة، عشان ارجع، عشان
اتوووب ، بابه مفتوح رحمته واسعه ...

وصل ع باب العالم وبقي يقدم خطوة ويرجع !!..

أول م إيديه لمست الباب فضل يخبط، ويخبط ، يخبط
بكل قوته اللي عايزاه يكون إنسان نضيف، بكل رغبة إن
الماضي يتمحي من حياته، بكل رغبة إنه يعيش في رحاب الله..

جه العالم بيفتح الباب ، ايه ده ده مين؟!

أول م شاف العالم ، مقدرش ينطق ، لسانه اتشل !

دموعه هي اللي عبرت عن مشاعره، كلام الدنيا كله
ميقدرش يعبر عليه ...

بص للعالم ، وأول م بداء ينطق مقلوش غير حاجه واحدة

بس

هل لي من توبة؟؟

هل لي من توبة، أنا عملت كل المعاصي، أنا عملت حاجه
لو حد عرفها مش هيرضى يبص في وشي تاني ... أنا مفسد من

المُفسدين في الأرض، انا مستعد اضحي باي حاجه، أنا مستعد ادوس على أي حاجه بس هل لي من توبة؟؟ هل لي من رحمته؟!

يارب طب والمجرمين يروحوا فين ، هروح لمين غيرك ؟
يارب إن عظمت ذنوبي كلها ، فلقد علمت أن عفوك أعظم
هل لي من توبة !!

رد العالم عليه العالم وقاله :

وما يحول بينك وبين التوبة ... ♥

ايه اللي يقف بينك وبين مولاك اللي خلقك؟! ايه اللي
يحول بينك وبين التوبة ؟

أنت عارف رحمة ربنا بيك قد أيه ؟ أنت عارف حلم ربنا
بيك قد ايه ؟

أنت عارف حب ربنا ليك قد ايه؟!

أنا !!! انا بعد م قتلت ! بعد م عصيت ! بعد ما ارتكاب كل
الذنوب دي !!

يابن آدم ..

إنك ما دعوتني ورجوتني غفرت لك ولا أبالي

يابن آدم ..

لو بلغت ذنوبك عنان السماء ! ثم استغفرتني غفرت لك
على ما كان منك ولا أبالي ...

يا بن آدم ..

لو أتيتني بقراب الأرض خطايا ثم لاقيتني لا تشرك بي شيء
لا تيتك بقرابها مغفرة .

يعني ينفع أتوب؟! وما يحول بينك وبين التوبة ♥

من فرحته مترددش، مستناش !

جررري ياخذ قراره ساب كل حاجه ..

باع كل حاجه .. وهو في الطريق جاله ملك الموت !

ابتدي ينزع روحه ..!! من كل حته ف جسمه، ابتدي يقع
على الأرض، لا يارب ، لا يارب مش بعد م عرفتك، يارب ، لا
يارب مش بعد ما عرفت طريقك ..

مش هيحول بيني وبينك حاجه يارب ولا الموت ..

ابتدت روحه تخرج منه وهو ييزحف ف طريق ربنا وإيديه
مش قادرة تقاوم و تشد ف التراب !

بداء بكل ذره ف جسمه الروح مخرجتش منها يزحف لربنا
سبحانه وتعالى!

لحد ما اخر ذرة ف جسمه الروح بتنسحب منها عرف
خلاص انه ميت ميت ..!!

كان نفسي اوصلك يارب، كان نفسي اعيش طاهر، كان
نفسي بكل ذنب اعمله اعمل قصادة مليون طاعة ترضيك
يارب ..

كان نفسي اسجدلك يارب كتيبيير أوي ..
كان نفسي اقولك بحبك يارب !
كان نفسي ادوق رحمتك يارب ..
كان نفسي أعرفك أوي يارب ..
وينتهي ملك الموت بمهمته !!

وتنتهي الجثة ب شوية تراب وصحرة وجثه هامدة مرميه
على الأرض ... بس القصة لسه منتهتس
ينزل فوجين من الملائكة ، دول غير دول تماماً
دول بيض الوجوه ، ودول سود الوجوه
دول معاهم كفن من الجنة ، ودول معاهم كفن من النار
منظر رهيب ، ووقفوا عند جسدوا ، مين هياخذ روحه من
ملك الموت ...

- ملائكة العذاب بتقول : انتوا جاين ليه ؟!
- انتوا جين تاخدوا مييين ده احنا قعدنا سنين نكتب في سيئات ملهاش حصر...تاخدوه ازاي .
- تروح ملائكة الرحمة تقول : انتوا مش عارفين رحمة ربنا؟!

إنه جاء مؤقن بقلبه إلى الله ..

مهما الإنسان عمل ورجع إلى الله بقلبه مش برجليه
هيقبله ♥

شبر واحد مبينه وبين المعصية .. ففاز به ملائكة الرحمة
دخل الجنة، لبس من ملابس الجنة، مع ملائكة الجنة ..
وقال الله ﷻ: [صدق عبدي ف كتبوا كتاب عبدي في
علين]. ♥

ايه الرحمة دي ♥

ربك هيقبلك ..

بس ارجع بقلبك اوعى تياس من رحمته أبدًا .

موقف الجبلة !

يحب أحدنا أخاه ويتودد له !
ثم إذا وجده يقع في المعصية تركه!!
بئست الأخوة أخوة الرخاء وهجران الشدة!!
وما قيمة تأخيننا إلا نكن لبعضنا حين معاصينا وما أسينا؟!
رحم الله عمر بن الخطاب :

لما علم أن أخاه خر على عقبه وشرب الخمر !
أرسل إليه رسالة فيها صدر سورة "غافر" يدعوه بها أن
يعود ..

فلا زال الرجل يقرؤها ويبكي حتى تاب، فلما بلغ ذلك عمر
قال:

هكذا فافعلوا بإخوانكم إذا زلت أقدامهم...
أمسكوا بأيدي المتعثرين من إخوانكم حتى ينهضوا...
وذكروهم بأيام الوداد حتى يعودوا..

وتجاوزوا عن مساءتهم حتى تستنقذوهم من الشيطان ثم
عاتبوا أو اغفروا...
فالأخوة كنز...ولها شفاعة...

وإذا كان واصل الرحم المقطوعة عند الله هو الواصل...
فإن المؤدين لحق الأخوة عند تعثر الأحبة هم إخوان الصدق..
وأي حق للأخوة أعظم من أن أظل خلف أخي حتى ينهض
معي لندخل الجنة سوياً؟!
أدركوهم قبل أن تعاتبوهم .



يوشك أن تنام نومة، ثم تقوم منها عارياً
مُسرعاً حافياً، ينادى عليك: يا فلان، هلمّ..
هلمّ، أجب الملك،.. حان وقت الحساب.

لَا تُفْشِرْ سِرَّهُ

عليك ألا تُفشي سرك لأحد!
 ف الله ﷻ قد سترك .. ووضع عليك الغطاء الذي يُخفي آثار
 تتبّعك لأي معصية قمت بها .. !!
 فلا تُصبح غداً نازعاً ستر الله عليك وفضح تجرّك على
 الخالق ﷻ

واعلم أن هناك أقواماً لا يغفر الله لهم!
 منهم المُجاهر بالمعصية !
 وهذا الذي يعصي فيستره الله ويحلم عليه فيصبح يحدث
 بما فعل من معاصي وتجري عليه ﷻ بالمعصية ودا أسوء من
 المعصية نفسها .

قال ﷺ : (كُلُّ أُمَّتِي مُعَاثِي إِلَّا الْمُجَاهِرِينَ وَإِنَّ مِنْ الْمُجَاهِرَةِ
 أَنْ يَعْمَلَ الرَّجُلُ بِاللَّيْلِ عَمَلًا ثُمَّ يُصْبِحُ وَقَدْ سَتَرَهُ اللَّهُ عَلَيْهِ
 فَيَقُولُ يَا فَلَانُ عَمِلْتَ الْبَارِحَةَ كَذَا وَكَذَا وَقَدْ بَاتَ يَسْتُرُهُ رَبُّهُ
 وَيُصْبِحُ يَكْشِفُ سِتْرَ اللَّهِ عَنْهُ) .. يعني ماتعملش ذنب وربنا
 يسترك وتروح تفضح نفسك !!

قال العلاء بن بدر "لا يعذب قوم يسترون ذنوبهم"
 وإن كنت على فراش الموت ضارحًا .. فلا يُغَرِّبْك
 الشيطان!

فقد كان أبو هريرة رضي الله عنه وما أدرك ما أبو هريرة ، كان يقول
 للنبي صلى الله عليه وسلم أدعو الله أن يعصمني من الزنا!!

أبو هريرة يقول كذا !

لأنه لا يأمن على نفسه وقلبه الفتنة .. فعلاً الفتن خطافة!
 فلا يُغَرِّبْك ..

لا تُجَازِفْ بأي خطوة ولا تقل هذه آخر مرة !!

فلا تدري كيف ومتى وعلى أي حال تُقبض ..

"الدعاء" بغير القدر ...

جدد حياتك وقوله يارب خلاص أنا راجع

متظنن إن الدنيا لسه طويله والعمر فيه باقيه !

كثير بنسمع عن موت الفجأة .. وقد ايه شباب كثير في عز
 شبابهم وحياتهم خلصت وهما لسه بيحلموا ومخططين
 لسنين جايه !

"أعمل اليوم كأنك تموت غدًا"

قدم كل اللي ف وسع دلوقت ..
كل اللي تقدر تعمله اعمله ..صلي أحسن صلاه

قوم وجاهد عشان تبطل ذنوب...

﴿ وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا ﴾ [العنكبوت: ٦٩]
موت وأنت بتجاهد أحسن ما تموت وأنت بتعصي

ليه مش بتصلي؟

- ليه مش بتصلي؟

= أصل أنا بعمل ذنوب كتير ومينفعش أقف قدام ربنا بكل الذنوب دى.

- للأسف الإجابة دى بنسمعها كتير من ناس مش بتصلي أو بعيدة بشكل ما عن الصلاة ، وللأسف هي إجابة أقل ما يقال عنها إنها "غبية" جداً جداً

- فكرة إنك مش بتصلي لأنك بتعمل ذنوب دى فكرة خاطئة لأنك لو بتفكر كده ف للأسف الشيطان ضاحك عليك و انت كده عمرك ما هتصلي ابدا !!

- الصلاة هي اللي بتخلينا نسيب المعاصي و الذنوب " إن الصلاة تنهى عن الفحشاء والمنكر " ، ف أنت إزاي عايز تبطل ذنوب قبل ما تصلي، كده حساباتك كلها خاطئة يا صديقي.

- أنت بتتعامل مع المولى عز وجل ، هو اللي عارف خباياك وأسرارك، إزاي مكسوف تقف قدامه عشان بتعمل ذنوب وفي نفس الوقت مش بتتكسف تعمل الذنوب وأنت عارف إنه شايفك ؟

- ترك الصلاة هو سبب كافى لدخول أى حد النار والدليل على ذلك قول الله : " ما سلككم فى سقر " ، أسمع رد أصحاب النار كان ايه : "قالوا لم نك من المصلين" .

- طب والحل ؟ قوم صلى ولو ركعتين اول ما تشوف البوست ده ، دوس فى العبادة، إقرأ قرآن، ادعى ربنا إنه يتوب عليك، قوله يارب أنا ضعيف قصاد الذنب الفلانى توب عليا وارحمنى، صدقنى العمر ممكن يفوت منك قبل ما تعيش اللحظة دى ، متستناش

ضوابط

- ١- طول مانت بتعمل الذنب وأنت معترف إنّه ذنب فأنت بخير ومتواجد على ردار التوبة
- ٢- في بعض الأحيان مش مطلوب منك ما تعملش ذنوب.. المطلوب منك إنك ما تملّش من التوبة
- ٣- من علامات اللّطف إنك تكون من النّاس اللّ لما بتيجي تعمل الذنب بتحسّ ب استوحاش وخوف وغربة وما بتحسّش باستمتاع وهيا بتعمله
- ٤- الإسترسال في الذنوب والانتقال من خانة الضعف إلى خانة الإصرار غالباً هيوصلك لمرحلة مُخيفة (اللي هيا مرحلة لا منك عارف تتوب .. ولا عارف تبطل ذنوب)
- ٥- ذنوب العين أكثر حاجة بتودّي في داهية وبتجرّ وراها ذنب ورا ذنب من غير ما تحس ... طول ما العين موثّقة بالغض فالقلب سليم وهتلاقي سهولة في التخلص من المعصية

٦- أصعب لحظة إنك تأخذ شوط كبير إنك تبطل ذنب معين وتوصل لمرحلة إنه مبقاش فارق معاك الذنب ده وفي لحظة ضعف ووحدة الشيطان يقوى عليك ويحكم سيطرته عليك فتقوم راجعله تاني

٧- في كل الأحوال (القاعدة العامة) لو عدت للذنب للمرة الألف ... فتب للمرة الألف فالله لا يمل حتى تملوا

انا شفت من قيام الليل واللي هو ركعتين في خمس لعشر دقائق يوميا اقسام بالله #العجب !! من حال الناس معاه ! .. شفت اللي زوجها ساب شغله ف السعوديه وبقيام الليل كام يوم ربنا رزقه ف مصر بشغل احسن منه !! شفت اللي كان مريض وربنا شفاه من مرضه بقيام الليل .. شفت اللي تأخر زواجها واتزوجت بقيام الليل .. واللي ربنا رزقها بالذريه بعد طول انتظار وكان الدكاتره بيقولوا مفيش فايده لكنها رزقت بيهم بقيام الليل .. شفت اللي كان مدمن عاده سريه وربنا تاب عليه منها بقيام الليل !.. وشفت اللي كان مش عارف يبطل ذنب معين وربنا هداه بقيام الليل !.. واللي ربنا وفقه للطاعه بقيام الليل !!

وشفت اللي كان حاله صعب ومتعسر ماديا وف شغله
وف حياته وربنا يسرله حاله بقيام الليل !!

وكل دول على فكره لا هما شيوخ ولا اصحاب كرامات ولا
اوليا ولا حاجه خطائين زي كل بني ادم لكن بعباده يوميه
بسيطه غيروا حياتهم تماما !!

والله العظيم حصل وبيحصل وهايحصلك لو حرصت
عليه !!

يا اخي افهم !! انت مش عارف اد ايه الموضوع فعلا
حدث جلل !

إن ربنا يتنزل ليك كل يوم وهو ملك الكون اللي ف ايده
ادق التفاصيل ف حياتك أنت وكائنات الكون كله وف ايده
يقلب كل قلوب الخلق وكل افعالهم وافكارهم ومشاعرهم
عشانك !!

يوميا مدليك عرض اقسم بالله لو تعرف قيمته بجد
وتحسها وانت عبد فقير غلبان طاعاتك ضعيفه ووقتك
مشغول لتشكره وتبوس الارض عليه !!
ربنا يوميا بيقولك (أطلب..اتمنى) !!

مش ادعك الفانوس السحري لا دا أنت معاك اللي يقول
بس كن فيكون !!.. لما يقولك هل من تائب فاتوب عليه هل
من مستغفر فاغفر له هل من سائل فاعطيه !! هل من داع
فاستجب له !!..

وأنت يوميا تقول لا معلش أنا مش مصدق إنك هاتعمل
معايا كدا !! أنا هاروح بكره اتلطم على بابا فلان ولا اترجى
فلانه ولا اطلب من فلان إن يعمل كذا .. اصل أنا واثق فيه
اكثر ! "استغفر الله .. تعالى الله عما تصفون " !!

على مر التاريخ .. كل القصص بتحكي عن سر قيام الليل
مع الانبياء والصالحين من اول مريم ابنة عمران لسيدنا زكريا
لما نادته الملائكة وهو "قائم يصلي" شوف الايه وترجم مع
ربنا هو بيقولك ايه السر !! لحد سيدنا محمد اللي ربنا نصحه ف
كذا ايه ان فيه حال انه بيواجه امور صعبه ف حياته يقيم
الليل وخلي دا عبره ليك .. "ولقد نعلم انك يضيق صدرك بما
يقولون فسبح بحمد ربك وكن من الساجدين" و ف ايه

﴿ قُرْ أَيْلَ إِلَّا قَلِيلًا ﴾ [المزمل: ٢]

كل الناس اللي بتصلي قيام الليل ليلا نهارها ميسر
وطاعاتها ميسره وموفقين فيها وفي امور حياتهم وف حفظ من
الله

وفيه علاقه خاصه جدا بينهم وبين ربنا يوميا فيها كلام
ودموع وشكوى ورجاء ودعاء واحساس بالقرب حتى انك
حاسس انه اقرب ليك فعليا من ابوك وامك وعالم شرك اللي
هما ميعرفهوش !!

قال ﷺ: "من قام بعشر آيات لم يُكتب من الغافلين،
ومن قام بمائة آية كتب من القانتين، ومن قام بألف آية كتب
من المقنطرين " [رواه أبو داود وصححه الألباني].
والمقنطرون هم الذين لهم قنطار من الأجر.

وقال: (عليكم بقيام الليل فإنه دأب الصالحين قبلكم،
وقربة إلى الله تعالى، ومكفرة للسيئات، ومنهارة عن
الإثم، ومطرده للداء عن الجسد)

وقال : (أتاني جبريل فقال: يا محمد، عش ما شئت فإنك
ميت، وأحبب من شئت فإنك مفارقه، واعمل ما شئت فإنك
مجزي به، واعلم أن شرف المؤمن قيامه بالليل، وعزه
استغناؤه عن الناس)

وقال: (في الجنة غرفة يرى ظاهرها من باطنها، وباطنها من ظاهرها)

ف قيل: لمن يا رسول الله؟ قال: (لمن أطاب الكلام، وأطعم الطعام، وبات قائماً والناس نيام)

قيام الليل اجره عظيم جدا ف الدنيا وف الاخره اوعى
تسيبه صلي زي ما تقدر خمس دقائق عشر دقائق ربع ساعه
نص ساعه المهم ما تسيبش العباده اللي والله هاتغير
حياتك!~

قيام الليل ميعاد يومي لاصلاح قلبك واصلاح ما فسد .
من روحك وحالك.

سَبِيلُ الْمُتَّقِينَ

كثير بنسمع عن جزاء المتقين .. !!

﴿ فَإِنَّ اللَّهَ يُحِبُّ ﴾ الْمُتَّقِينَ [آل عمران: ٧٦]

﴿ وَجَنَّةٍ عَرْضُهَا السَّمَوَاتُ وَالْأَرْضُ أُعِدَّتْ ﴾ لِلْمُتَّقِينَ

[آل عمران: ١٣٣]

﴿ إِنَّمَا يَتَقَبَّلُ اللَّهُ مِنْ ﴾ الْمُتَّقِينَ [المائدة: ٢٧]

﴿ وَأَعْمَلُوا أَنْ اللَّهَ مَعَ ﴾ الْمُتَّقِينَ [البقرة: ١٩٤]

﴿ إِنَّ اللَّهَ يُحِبُّ ﴾ الْمُتَّقِينَ [البقرة: ١٩٥]

﴿ الْأَخْلَاءَ يَوْمَئِذٍ بَعْضُهُمْ لِبَعْضٍ عَدُوٌّ إِلَّا ﴾ الْمُتَّقِينَ

[الزخرف: ٦٧]

﴿ وَاللَّهُ وَلى ﴾ الْمُتَّقِينَ [آل عمران: ٦٨]

﴿ وَأُزْلِفَتِ الْجَنَّةُ ﴾ لِلْمُتَّقِينَ [الشعراء: ٩٠]

﴿ وَإِنَّ لِلْمُتَّقِينَ لَحُسْنَ مَكَابٍ ﴿٤٩﴾ ﴾ [ص: ٤٩]

﴿ إِنَّ الْأُمْتَقِينَ فِي مَقَامٍ أَمِينٍ ﴿٥١﴾ ﴾ [الدخان: ٥١]

﴿ إِنَّ الْأُمْتَقِينَ فِي جَنَّتٍ وَعُيُونٍ ﴿٤٥﴾ ﴾ [الحجر: ٤٥]

﴿ إِنَّ لِلْمُتَّقِينَ عِنْدَ رَبِّهِمْ جَنَّاتٍ أَلْعَابٍ ﴿٣٤﴾ ﴾ [القلم: ٣٤]

﴿ إِنَّ لِلْمُتَّقِينَ مَفَازًا ﴿٣١﴾ ﴾ [النبأ: ٣١]

مهما اتكلمنا عن المُتقين وجزائهم مش هننتهي ...

الشوق خلاص خدنا وعرفنا الطريق والسبيل اللي
هيوصلني للنعيم السرمدى ..

التقوى

وما أدراك ما التقوى .. !!

كثير كنت بسأل نفسي مين هما "المُتقين" ؟!

ايه العمل اللي يوصلني للتقوى ؟!

ايه مفهوم التقوى العظيم أوي دا اللي يساوي الجزاء دا

كله !!!

للتقوى معاني كثير ... عايزين نأخذ أهم المعاني اللي نقدر
نطبقها ومن خلالها نوصل للجزاء العظيم اللي ربنا ذكره لنا ف
القرآن تشويقًا وحبًا في الجزاء ..

• المعنى الأول للتقوى :

_ أن يجدني الله حيثُ أمرني ... ولا يجدني حيثُ نهاني
يعني أي مكان أنت موجود فيه بتحقيق معنى "التقوى"
لازم يكون مكان طاعة .. بمجرد ما تعرف إن المكان دا
هيحصل فيه ذنب بتفر منه بكل الطرق .
وكذلك مكان المعصية! بتفر منه حتى لا ينظر الله إليك
فيجدك بمكانٍ وهو يُعصى فيه!

المعنى الثاني لتحقيق التقوى :

" أن تجعل بينك وبين ما يغضب الله ﷻ وقاية وحاجرًا "
بعيد بكل الطرق وبكل طاقتك عن المعصية وأهل
المعاصي .. حتى لو أقرب الأقربين ! أضعف الإيمان أن تهجر
ولو "بقلبك" المعصية والعاصي ..

سيدنا عليّ بن أبي طالب لما وصف التقوى قال :
 " الخوف من الجليل، والعمل بالتنزيل، والرضا بالقليل،
 والاستعداد ليوم الرحيل .. "

خوفك = عبادة للجليل ﷺ ..

العمل بالتنزيل = عملك بأيات الله ﷻ طبقتها وكانت
 حجة لك ولا عليك؟!

ترضى بالقليل = يكون عندك قناعة وزهد عندك رضى
 نابع من القلب مش مجرد رضا باللسان !

الإستعداد ليوم الرحيل = حتمًا سيكون لنا لقاء مع الملك
 ﷻ فماذا أعدت لهذا الموقف واللقاء العظيم!..

الإستعداد البشري لو رايح لمقابلة شغل ! بتحضرها طقم
 وكلام واستقبال وطريقة معينه لكل كلمه وفعل صادر منك وال
 C.v بتاعك مليون من إنجازاتك ..

طب لما تقابل رب البريه ﷻ؟!

ال صحيفة هيكون فيها ايه؟!

[أصلح ما بقى .. يغفر الله لك ما مضى]

[و يُبدل سيئاتك كلها حسنات]

للتقوى فوزٌ عظيم .. وما أجمل شخصٍ تزين بالتقوى
فكانت له منبعٌ خيرٍ للسلام الداخلي الذي يكون فيه الإنسان
عندما يكون "تقيًّا" قولًا وفعلاً وعملاً .. !

لما حد يقولك [أتقي الله] متزعلش !

قوله اللهم امين وأجعلنا اللهم من المُتقين ♥ (:

الموضوع لا يُتهاون

التقوى كنزٌ مفقود لكل من يُريد سبيل النجاة ! هلموا قد
أوتيتهم سؤلکم ..

﴿ أَفَمَنْ زُيِّنَ لَهُ سُوؤُ عَمَلِهِ فَرَأَاهُ حَسَنًا فَإِنَّ اللَّهَ يُضِلُّ مَنْ يَشَاءُ
وَيَهْدِي مَنْ يَشَاءُ فَلَا تَذْهَبْ نَفْسُكَ عَلَيْهِمْ حَسْرَتٌ إِنَّ اللَّهَ عَلِيمٌ بِمَا

يَصْنَعُونَ ﴿٨﴾ [فاطر: ٨]

عارف العمل التطوعي الفلاني.. طب عارف الصدقة اللي
بتوديتها مكان معين ؟

طب فاكِر الكلمتين الحلوين اللي كانوا بداية تغير شخص !
طب فاكِر لما كتمت غيظك وانت على آخرك ؟!

طب فاكّر لما صلّيت بـ خشوع وخرجت فرحان بـ نفسك !
وكأنه عمّلك وانت بقى اللي وصلت !

طب فاكّر لما قمت الليل ؟ وحسيت بسكينة وراحة ♥ !

طب فاكّر لما قرأت وردك وحسيت بتدبر وفهم ؟

اوّع كل الحاجات الجميلة دي اللي في حياتك تبوظ ! أو
تضيع في ثانية.. !!

تضيع !!

أه ممكن كل الأعمال دي تضيع لمجرد أنك تنسب الفضل
فيها لنفسك، والأصعب من كده أنك ممكن متكونش واخذ
بالك أنك كده نسبتها لنفسك !

إزاي؟؟ هقولك ..

فاكّر ربنا -سبحانه وتعالى- لما ذكر لنا في سورة القصص
قصة قارون !

عارف قارون ده مين؟؟

ده كان عبد ربنا -سبحانه وتعالى- مَنّْ عليه بـ ممن كثير لا
تُحصى ولا تُعد.. أعطاه القدرة أنه يحول التراب لذهب !

متخيل !

بعد المنن دي كلها.. كان لازم يُختبر في النعم دي



هيستعملها في ايه ؟ وهيشكر ربنا بيها ازاي ؟؟

كلنا لازم نمر ب الاختبار ده طول حياتنا..

راح قوم قارون دول اتجمعوا ويبتكموا عنه.. فسألوه أنت
إزاي بتعرف تعمل كل ده ؟؟

قارون وصل ل مرحلة من الغنى محدش وصل ليها، كان
عنده خزائن كتبيبير جدًا ملئية بالذهب كان ممكن ١٠
اشخاص يحملوا مفتاح واحد من مفاتيح الخزائن !!

ف قارون لما سألوه أنت عرفت كل ده منين وازاي ؟؟

هنا بقى وقع في الاختبار ! وقال

﴿ إِنَّمَا أُوتِيتُهُ عَلَىٰ عِلْمٍ عِنْدِي ﴾ [القصص: ٧٨]

نسي هنا من كتر العطاءات والمنن إن كل ده بفضل الله
وبس، راح قومه قالوا ...

﴿ يَلَيَّتَ لَنَا مِثْلَ مَا أُوتِيَ قَارُونُ إِنَّهُ لَذُو حَظٍّ عَظِيمٍ ﴾ (٧٦)

[القصص: ٧٩]

ربنا -سبحانه وتعالى- مانن عليك بنعم كثير.. أنت في غفلة
عنها !

اوع تستنى لحد م النعمة تُسلب منك وبعدين تتذكر أنها

كانت بفضل الله وبرحمته في حياتك..

ربنا لما نظر ل قارون ولقاه تكبر ونسي فضل الله عليه؛
خسف به وبداره الأرض !

ودي كانت تربية لنا.. عشان لو بس لقينا في قلبنا ذرة من
انتساب أي حاجة أنت ناجح فيها لنفسك ! ع طول تتذكر
قصة قارون وتجري تحمد الله -ﷻ- أنه رزقك إياها ومنعها
عن غيرك

حتى لما تشوف نعمة في حياة حد متمناهاش..

لعل لو جاتلك النعمة دي متقدرش تحمد الله -ﷻ- حق
الحمد ليها، أو هتسي بيها طاعته وتُقصِر !

قوم قارون بعد م شافوا عقاب الله -ﷻ- ل قارون حمدوا
ربنا أنهم مش عندهم النعمة اللي كانت عند قارون لما شافوا
عقاب الله له ... وقالوا

﴿ وَأَصْبَحَ الَّذِينَ تَمَتُّوا مَكَانَهُ بِالْأَمْسِ يَقُولُونَ وَيَكَانَ اللَّهُ يَبْسُطُ

الرِّزْقَ لِمَن يَشَاءُ مِنْ عِبَادِهِ وَيَقْدِرُ لَوْلَا أَن مَنَّ اللَّهُ عَلَيْنَا لَخَسَفَ بِنَا

وَنُكَانَتْ لَهُ لَا يُفْلِحُ الْكَافِرُونَ ﴿٨٢﴾ [القصص: ٨٢] .

عائز يستجيب لدعائك؟!!

عائز يستجيب لدعائك؟!!

خدها من القرآن الناس الي ربنا استجاب لهم ... "اولوا
الألباب" ♥

عد معايا كم مره ذكر اسم الله الرب ف دعائهم ...

(١) ﴿ رَبَّنَا مَا خَلَقْتَ هَذَا بَطْلًا سُبْحَانَكَ فَقِنَا عَذَابَ النَّارِ ﴾ ﴿١٩١﴾

[آل عمران: ١٩١]

(٢) ﴿ رَبَّنَا إِنَّكَ مَن تُدْخِلِ النَّارَ فَقَدْ أَخْرَيْتَهُ وَمَا لِلظَّالِمِينَ مِنْ

أَنْصَارٍ ﴾ ﴿١٩٢﴾ [آل عمران: ١٩٢]

(٣) ﴿ رَبَّنَا إِنَّنا سَمِعنا مُنَادِيا يُنادِى لِلإِيمانِ أَنْ ءَامِنُوا بِرَبِّكُمْ

فَآمَنَّا ﴾ [آل عمران: ١٩٣]

(٤) ﴿ رَبَّنَا فَارْحَمْنَا وَأَعْفِرْ لَنَا ذُنُوبَنَا وَكَفِّرْ عَنَّا سَيِّئَاتِنَا وَتَوَقَّنَا مَعَ

الْأَبْرارِ ﴾ ﴿١٩٤﴾ [آل عمران: ١٩٣] د

(٥) ﴿ رَبَّنَا وَءَاتِنَا مَا وَعَدْتَنَا عَلَىٰ رُسُلِكَ وَلَا تُخْزِنَا يَوْمَ الْقِيَامَةِ ۗ ﴾

إِنَّكَ لَا تُخْلِفُ الْمِيعَادَ ﴿١٩٤﴾ [آل عمران: ١٩٤]

ذكر الاسم الله الرب اكثر من خمس مرات في دعاء واحد
ليهم...!!❤

لذلك جه الرد عقب الدعاء مباشرة بدون عتاب ...

﴿ فَاسْتَجَابَ لَهُمْ رَبُّهُمْ أَنِّي لَا أُضِيعُ عَمَلَ عَمَلٍ مِّنْكُمْ مِّنْ

ذَكَرٍ أَوْ أُنْثَىٰ ۖ ﴾ [آل عمران: ١٩٥]

إِسْتِجَابًا!❤

مش نفسك تسمع الكلمة دي؟!

بُشْرَاكَ يَا فُلَانٍ قَدْ إِسْتُجِيبَ لَكَ ❤

دعيت ومبيستجبش ليا؟!

قولت يارب كام مرة؟! القضية إلحاح ع الله

اتعلم من أولي الألباب كيف يكون الدعاء؟!

لح ع الله يارب، يارب، يارب

لازم الدعاء يبقي فيه إلحاح واستجلاب ل رحماته

سبحانه...

سيدنا عمر يقول "إني لا احمل هم الإجابة ، ولكني أحمل
هم الدعاء" ♥

يبقي بكيفية دعائك هي اللي هتستجلب الإستجابة ♥
تاني حاجة تستعرض حالتك ... قوله يارب أنا فيا كذا انا
حالي كذا وكذا ومحتاج كذا

سيدنا زكريا وهو بيدعي الله ﷻ

﴿ قَالَ رَبِّ إِنِّي وَهَنَ الْعَظْمُ مِنِّي وَأَشْتَعَلَ الرَّأْسُ شَيْبًا وَلَمْ

أَكُنْ بِدُعَائِكَ رَبِّ شَقِيًّا ﴿٤﴾ [مريم: ٤]

﴿ وَكَانَتْ أُمْرَاتِي عَاقِرًا ﴿٥﴾ [مريم: ٥]

عرض حالته كلها ع الله ... مع إن الله ﷻ يعلمها

_ولكن بعض الاوقات بيبقى عندنا سوء أدب مع الله !!

تقوله يارب عايز الحاجة الفلانية بالطريقة الفلانية!!

يارب ارزقني الزوجة الصالحة وتكون فلانه!!

يارب ارزقني زوج صالح ، ويكون فلان!!

انت كل اللي عليك تدعي ... لكن طريقة وصوله ليك دي
مش بتاعتك

ادعيه بتحقيق مطلبك ... لكن إزاي دي مش ليك
لانك ممكن تدعي بـ الحاجة الفلانية وتكون هلاكك فيها!!
الزواج من شخص معين ويكون هو اصلا شر ليك ...
العمل ف مكان ما ... ويكون مش الأصلح ليك
ف دع كل هذا للمالك الذي يعلم الغيب ، واجعله يختار
لك ولا يُخيرك ويدير لك امرك فإننا والله لا نُحسن التدبير ♥



من صرخة آل آه أبتدي من عندها

من صرخة ال آه أبتدي من عندها .. !
 شوفت فلان اللي لما مات آثر في حياة ناس كثير !
 اللي كان دعوة في حياته وقبل مماته !
 موتوا علي ما ماتت عليه !

• خد قرارك وقتها .. !

خد القرار اللي ياما رجعت فيه .. دا اللي باقي من العمر
 مش أكثر ما اللي راح فيه !

• من صرخة ال آه أبتدي من عندها .. !

أوعى تضيع أي فرصة للبكاء والخشية من الله والخوف
 اللي لجم قلبك وعينك اللي دمعت وهفوت وقولت "ارهقتني
 الذنوب" !

• أول حياتك توبة خالصه لربنا ..

هي دي بداية الحياة بجد [التوبة]

• دا ذنوبنا هي سبب فشلنا وذلنا ..

كل ذنب ونكت نكته سوداء في القلب فكيف هو الآن !

علاج الثبات على الطريق

• لن تصل إلى الله إلا بالله ..

استعين بالله وخلي أملك كله ويقينك كله إن لما تنوي

التغير وتسعى إليه ربنا مش هيتركك أبدًا

• ﴿ وَلَوْ أَنَّهُمْ فَعَلُوا مَا يُوعَظُونَ بِهِ لَكَانَ خَيْرًا لَهُمْ ﴾

[النساء: 66]

وعد ربي .. بس أنت أفعل

وأعلم أن النصر مع الصبر .. !

وأن الفرج من الكرب .. !

وأن مع العسر يسرا ..



"فسددوا وقاربوا وأبشروا واستعينوا بالغدوة والروحة
وشيء من الدُلجة"

- واجعلني مباركاً أينما كنت وحللت
سبب آثر طيب لك في حياتك وبعد مماتك ..

عابز آج باک

بس آجي بأى وشّ !
 يعني أغش ..
 ما أنت علام الغيوب
 وأنت عالم بالقلوب
 خايف الأياااااام تعدي ولسه ناسي !
 هيه نفس الحالة هيه وقلبي قاسي
 وأعمل ايه ساعة الرحيل !
 نفسي أصلي الفجر تاني : مستحيل
 نفسي اصوم رمضان زيادة : بس فين؟!
 نفسي اصلي ركعتين
 نفسي اجيلك : بس آجي بأى وش
 يعني اغشّ !!!



هذا وما كان من صواب فبفضل من الله ...
وما كان من خطأ فمني ومن الشيطان ..
والله أسأل التوفيق والسداد والقبول
والحمد لله رب العالمين .

فاطمة سامي

٢٧ جمادي الأول ١٤٤١ هـ

تابعونا على الفيس بوك : الصفحة الرسمية الكاتبة فاطمة
سامي الحنبلي

فهرست

- ٥ مقدمة الكاتبة
- ٦ أول ما تبدأ المعصية
- ٨ ليه وصلت ل كدا؟
- ١٠ الباب الأول
- ١٣ الواجب العملي
- ١٤ الباب الثاني
- ١٦ الواجب العملي
- ١٧ الباب الثالث
- ٢٠ الواجب العملي :
- ٢١ الباب الرابع
- ٢٤ الواجب العملي
- ٢٥ الباب الخامس
- ٢٩ الواجب العملي :

- ٣٠ الباب السادس
- ٣٤ : الواجب العملي
- ٣٥ الباب السابع
- ٣٨ الواجب العملي
- ٣٩ مقولة الشيخ فوزي السعيد رحمه الله
- ٤١ نفسك تتغير بجد؟
- ٤٥ كل عام فتنة!!
- ٤٨ رمضان والتغير
- ٤٩ هل لي من توبة؟ د. حازم شومان
- ٥٩ موقف الصُّحبة!
- ٦٢ لا تفتش ستره
- ٦٥ ليه مش بتصلى؟
- ٦٧ ضوابط
- ٧٣ سبيلُ النجاة
- ٧٤ التقوى
- ٨١ عايز يستجيب لدعائك؟!!

٨٥ من صرخة ال آه أبتدي من عندها

٨٨ عايز أجيلك